



Bonos días,

Tres un parón de vacaciones, tornamos cunas pilas recargadas y cun novedaes nos nuegos boletines. Esta novedá chega gracias a la colaboración cuna Conceyería de Cultura Llionesa Éste 8u boletín vien en castellanu y llionés, asina ca cual podrá escoyer cumu llielu. Asperamos que vos pique la curiosidá y tentéis de lliere y pescanciar el nuesu boletín alxuntu.

Asina mesmu, anímivos que nos unviéis eventos deportivos, fiestas y autividaes interesantes pa la Xuventú, pa espublizalu nos nuegos boletines y dare promoción.

Si nun quieres recibir el boletín, ou quieres incluyire nuevas direiciones y añadir a amigos pa qu'eillos tamién lu reciban, ou tienes nuevas que te prestaría qu'apaecieran n'este boletín selmanal, escribe a pij@ayto-villaquilambre.com indicandu la tua petición-solicitú-propuesta. Recuerda que tenemos Atención al Públicu de Llunes a Vienres de 9:00 a 14:00 nel Ayuntamientu de Villaquilame, y nel Centru Xoven de Navateyeira, Llunes de 16:00 a 18:00 y Miércoles y Xueves de 17:00 a 19:00 y amás, ampliandu horarios en Setiembre.

Atentamente,

LA CONCEYERÍA DE DEPORTES Y XUVENTÚ DEL AYUNTAMIENTU DE VILLAQUILAME.

NUEVAS QUE PUEDEN INTERESATE:

www.ayto-villaquilambre.com

IX MARCHA CICLUTURISTA. 27/09/2009. DÍA DE LA BICI – AYUNTAMIENTU DE VILLAQUILAME.

http://www.ayto-villaquilambre.com/Ciudad_y_Ciudadania/Deportes/Eventos_Deportivos/IX_MARCHA_CICLOTURISTA_POPULAR

ESPOSICIÓN SOBRU ARQUITEUTURA LLIONESA

http://www.ayto-villaquilambre.com/Plaza_Publica/Sala_de_prensa/exposicioncorredor;jsessionid=2F51C12149AE4228D1C8999D5A7FFEC4

PISCINA MUNICIPAL DE VILLOBISPU DE LAS REGEIRAS

http://www.ayto-villaquilambre.com/Plaza_Publica/Sala_de_prensa/piscinacierre;jsessionid=3BBC41344498E6A42A7921B9CDF0D250

ÚLTIMU DÍA ABIERTA: DOMINGU, SETIEMBRE Y 13

LLIONPEDIA: LA ENCICLUPEDIA EN LLINGUA LLIONESA

La Llionpedia ye la enciclopedia virtual en Llingua Llionesa en que los usuarios d'esta llingua pueden lliere, editare y ampliare los artículos rrellacionaos cuna cultura universal. Amás, Llionpedia sirve pa dar a conoecr a Llión y a la llingua Llionesa a escala mundial, yá que los artículos sobru'l Llionés y sobru la propia Llionpedia tan presentes en tolos buscadores, proporcionandu d'este xeitu una fonte d'información nun sólu turística ou xügráfica, tamién pa los propios llinguistas qu'estudian la nuesa llingua.

www.llionpedia.eu



LLIONPEDIA.EU
ENCICLUPEDIA EN LLINGUA LLIONESA



www.ayto-villaquilambre.com / TELÉFONU 987 28 72 01 – FAX 987287216
MÁS INFORMACION EN: pij@ayto-villaquilambre.com / De Llunes a Vienres de 9:00 a 14:00

¿QUÉ PODEMOS FACER EL FIN DE SELMANA?

Si quieres promocionare dalguna autividá especial, cursu, eventu deportivu, fiesta, facer una chamada d'atención y/ou suxerencia pa esfrutar y participare durante'l fin de selmana, escríbenos a pij@aytovillaquilambre.com y nos publicítamostela.

11-12. Golf. XIII Tornéu clasificatoriu Diario de León.

12. Llucha Llionesa. Lliga de branu. La Virxe del Camín. 17:00.

12. Bolos. XXXVI Campionatu d'Hespaña. Boliera cubierta del Polígonu X. 16:00.

13. Llucha Llionesa. Lliga de branu. Mansiella las Mulas. 17:00.

13. Golf. IX Pro-Am Diario de León.

13. Aletismu. VII Duatlón de Tabuyu. 10:00. (9 km corriendu, 34 km en bici de montaña xubiendu a Sanginal, 4 km corriendu). Más información en www.duatlontabuyo.blogspot.com

Continúan ata Setiembre y 14, las fiestas de Conyanza. Programa:

http://www.aytovalenciadedonjuan.org/PDF/prog_manos_fiestas_09.pdf

AXENCIA DE DESENROLLU LLOCAL DE VILLAQUILAME

CURSU DE BALDRE: AUSILIAR D'ENFERMERÍA EN XERIATRÍA, cun compromisu de contratación del 60% de los alunos que finen el cursu:

PRESONAS DESEMPLEGADAS OU EN SITUACIÓN D'AMIYORA D'EMPLEGU. IMPRESCINDIBLE TENER DISCAPACIDAD EL 33% OU SUPERIOR.

La Conceyería de Bientare Social entama a partir de Setiembre y 21, n'horariu de 9:00 a 14:00, un cursu d'ausiliar d'enfermería en xeriatría, suvencionáu pula Xerencia de Servicios Sociales de Castiella y Llión, cofinanciáu pul Fondu Social Européu. Este cursu, de baldre, ta dirixíu a presonas cun discapacidad desemplegadas, del 33% ou superior, ou en situación d'amiyora d'emplegu, que nun superen las 20 horas selmanales. Las presonas interesadas en participare n'este taller pueden informase na Axencia de Desenrollu Llocal.

Amás, l'Axencia de Desenrollu Llocal, ufrez ufiertas d'emplegu tramitadas al traviés del ECYL, Convocatoria de Cursos FOD 2009, ufiertas d'emplegu del ILDEFE (www.ildefe.es), ya informa sobru ufiertas apaecias nos medios de comunicación llocales, asina cumu convocatorias d'entidaes públicas de tou Castiella y Llión.

En Setiembre y 21 entamaránse las nuevas modalidaes de los **PCI: Ausiliar de Montax y Mantenimientu d'Equipos Informáticos, Ausiliar d'Albañilería y Ausiliar de Viveiros, Xardines y Centros de Xardinería**. Los mencionaos programas tan destinaos a xóvenes ente 15 y 21 que nun algamaren el Graduáu n'Educación Secundaria Obligatoria. Dicha formación ta formada pur módulos de carauter xeneraly pur módulos específicos. El programa entamará en setiembre n'horariu de mañana y finará en xunu, corrempendiendu cul calendariu escolar.

*Pa recibire más información ye necesariu que la presona interada rexistara previamente'l sou CV na Axencia **de forma presencial**. Si yá lu entregara anteriormente, informarás de las ufiertas telefónicamente ou de forma presencial, non vía e-mail.*

AXENCIA DE DESENROLLU LLOCAL DE VILLAQUILAME

Edificiu Los Juzgados, C/ La Sierra s/n, 24193.

Teléfonu: 987283593 (de Llunes a Vienres de 9 :00 a 14 :00)

adl-orientacionlaboral@ayto-villaquilambre.com



**CIAMI : CENTRU D'INFORMACIÓN Y
ASESORAMIENTU A LA MUJER YA IGUALDÁ
DEL AYUNTAMIENTO DE VILLAQUILAME**

- TALLER PRE-LLABORAL DE FONTANERIA PA MUJERES.
- TALLER PRE-LLABORAL DE CUIDÁU DE PRESONAS DEPENDIENTES PA HOMES.

Los cursos entamarán a partir de Setiembre y 21. Plazas llibres.

Información ya Iscripciones: CIAMI (Ca de la Cultura de Navateyeira 1ª planta)
Tfnu: 987-28 77 85 Correyu electrónicu: agenteigualdad@ayto-villaquilambre.com

VILLAQUILAME PRESTATE LA BICI

El sistema de préstamu de bicicletas "Onroll" furrula dende va ´mas d'un añu nel Ayuntamentu de Villaquilame.

Ye un sistema d'alquiler de bicicletas que se crauteriza pul sou furralmientu cun mensaxes SMS. L'unvíu y la receición d'SMS's permiten al sistema de préstamu de bicicletas contribuir a la implantación de las direutivas sobru'l tresporte ecolóxicu que mueitas ciudaes entaman a poner en furrulamientu. "Onroll" y el desenrollu sostenible: una rialidá sofitada nel sistema de préstamu de bicicletas más versátil nel mercáu.

"VILLAQUILAME PRESTATE LA BICI" FURRULA ASINA:

L'interesáu deberá solicitare de baldre un códigu nel Ayuntamentu de Villaquilame, 1er pisu, Mediu Ambiente (Bea). Deberá entregar una fotocopia del DNI ou pasaporte y facilitarásese un códigu cul qu'acederá al serviciu de préstamu de bicicletas.

Pa la recoyida d'una bicicleta de cualisquier aparcamientu espendedor, deberá unviase un SMS dende'l teléfonu móvil del usuariu al númberu indicáu na solicitú d'alta, cul sigiente formatu de mensax:

- **Coger b [nºbicicleta] c [nºcandáu] vi[códigu de seguridá]**

Exemplu: Coger b20 c102 vi1234

Nun son necesarios los símbolos '[']' tal cumu puede vese nel exemplu.

La bicicleta selleicionada, identificada pul sou númberu, quedará lliberada del candáu y podrá sere emplegada ata la sua devolución en cualisquier puntu del sistema que disponga de plaza llibre pal depósitu de la bicicleta.

Pa devolvere la bicicleta, namái tendrá qu'acudire a un aparcabicicletas cun dalgún candáu llibre. Autu sigíu, l'usuariu debi enganchar la bicicienta nel candáu de forma manual y comprobare que queda suxeta nel candáu. Finalmente unviar un SMS cul sigiente formatu:

- **Dejar b [nºbicicleta] c [nºcandáu] vi[códigu de seguridá]**

Exemplu: Dejar b20 c102 vi1234

Nun son necesarios los símbolos '[']' tal cumu puede vese nel exemplu.

Si hai dalgún problema, l'usuariu recibirá nel sou móbil un SMS indicandu lu que ficiera mal, n'outru casu, nun recibirá dengún mensax y l'alquiler de bicicleta rializóuse ensin problemas.

AVANCE DE PROGRAMACIÓN Y ACTIVIDADES

La próxima semana ampliaremos información sobre'l CURSU de COORDINADOR de Tiempu Llibre que tendrá llugar nel municipiu de Villaquilame los fines de semana dende finales d'Outubre a mediaos d'Avientu.

De Setiembre, 21 y 25 podrás apuntate y recoyer los dorsales nel Ayuntamiento a la IX marcha cicloturista de Villaquilame que sedrá en Setiembre y 27, 2009. Entamára a las 10:30 dende la Plaza de la Constitución (Villaquilame) y discurrirá a lu llargu de 15 kilómeros pur tol municipiu.

http://www.ayto-villaquilambre.com/Ciudad_y_Ciudadania/Deportes/Eventos_Deportivos/IX_MARCHA_CICLOTURISTA_POPULAR

El día Setiembre y 28, nel Centru Xoven de Navateyeira ábrense las iscriciones pa las Escuelas Deportivas y las actividades físicu-deportivas p'Adultos y 3ª Edá.

Yá ta espublizáu'l calendariu deportivu pa la temporada 2009/2010.

[http://www.ayto-villaquilambre.com/extfrontvillaquilambre/img/File/DEPORTES/calendario_deportivo_20092010\(1\).pdf](http://www.ayto-villaquilambre.com/extfrontvillaquilambre/img/File/DEPORTES/calendario_deportivo_20092010(1).pdf)

Puedes descargate'l programa de fiestas de San Froilán nel Ayuntamiento de Villaquilame.

http://www.ayto-villaquilambre.com/extfrontvillaquilambre/img/File/FIESTAS/FROILAN/diptico_froilan_2009.pdf

ÚNETE A LAS ASOCIACIONES XUVENILES DEL AYUNTAMIENTO DE VILLAQUILAME

A.X CAPSELA Asociacion_capsela@yahoo.es
www.asociacion-capsela.spaces.live.com

A.X. BUMTAKA bumtaka@yahoo.es / www.bumtaka.com

A.X VILLAHABIBI asociacionjuvenilvillahabibi@gmail.com

A.X. JUVENTUDES SOCIALISTAS DE VILLAQUILAMBRE

Si quieres crear una Asociación Xuvenil ou un Club Deportivo nel municipiu de Villaquilame, ponte en contactu cun nos, pj@ayto-villaquilambre.com



**Ayuntamiento
de Villaquilambre**

CONCEJALÍA DE DEPORTES Y JUVENTUD